



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Inqvisitorvm F. Nicolai Eymerici Ordinis Prædicatorum

Nicolaus <Eymericus>

Venetiis, 1607

Alexander Papa VI.

urn:nbn:de:hbz:466:1-13589

Officio Sanctissimę Inquisitionis. 85

A tutionibus, & ordinationibus Apostolicis, statutis ciuitatis Brixienfis, ceterisque in contrarium facientibus non obstantibus quibuscunque. Datum Romę apud Sanctum Petrum, sub annulo piscatoris, die trigesimo Septemb. Millefimo quadringentesimo octuagesimo sexto, Pontificatus nostri anno tertio.

Hieronymus Balbanus.

ALEXANDER PAPA VI.

Dilecto filio Angelo de Verona ordinis Prędicatorum Sacre Theologię professori in prouincia Lombardia, hereticę prauitatis Inquisitori, & successoribus suis.

B *Soli Inquisitores hereticę prauitatis procedere possunt contra maleficos, incantatores, & vanarum superstitionum obseruatores: eosdemq; compescunt & puniunt, non obstantibus canonicis legibus contrarijs quibuscunque.*

Eiusdem argumenti habetur Alia Innocentij. viij. supra inserta, & alia Hadriani vj. & alia Leonis x. infra positę vide Bartholomęum Spineum libro de Strigibus, cap. 3.

DILECTE fili, Salutem, & Apostolicam benedictionem. CUM accepimus in prouincia Lombardia, diuersas vtriusque sexus personas, diuersis incantationibus, & diabolicis superstitionibus operę dare: suisq; veneficijs, & vanis obseruationibus multa nefanda scelera procurare, homines, & iumenta, ac cępos destuere, & diuersos errores inducere, magnaq; inde scđala exoriri: decreuimus pro pastorali officij nobis ex alto commissi ministerio, scelera huiusmodi compescere: ac scandalis & erroribus pręmissis, quantum cum Deo possumus occurrere. Ea propter tam tibi, quam etiam successoribus tuis, per Lombardiam constitutis de quibus in his & alijs plenam in Domino fiduciam obtinemus, committimus & mandamus; vt etiam soli honesto tamen comitatu per vos eligendo associati, contra easdem vtriusq; sexus personas diligenter iniquitatis: easq; iustitia medię puniatis, & compescatis. Et vt melius commissionem huiusmodi exequi possitis, contra illas vobis plenę & omnimodę harum serie concedimus facultatem. Constitutionibus, & ordinationibus Apostolicis, nec non indultis & concessionibus, ordinarijs forsę pro tempore factis, ceterisque contrarijs quibuscunque non obstantibus Datum Romę apud S. Petrum, sub annulo piscatoris, die, & c.

Ex Directorio Sabelliano fol. 426.

LEO PAPA DECIMVS.

D *Anima rationalis immortalis asseritur, & vere ac per se & essentialiter humani corporis forma, & multiplicabilis, multiplicata, & multiplicanda singulariter pro corporum quibus infunditur multitudine. omnis assertio veritati fidei contraria damnatur, & assertores vt heretici puniuntur. qui philosophiam proficiuntur, dissoluant philosophorum dogmata, quę fidei aduersantur, & discipulis explicant catholicam veritatem. Nemo in sacris ordinibus constitutus, post auditam grammaticam & dialecticam in studijs generalibus, aut alibi publice audiat philosophiam, aut poesim vltra quinquennium sine aliquo studio Theologię, aut iuris Pontificij. & cuncta hæc præcepta singulis annis Episcopi publicent, vbi generalia vigent studia.*

EPISCOPUS seruus seruorum Dei, ad perpētuanę rei memorię, sacro approbante Concilio.

APOSTOLICI regiminis sollicitudo nos assidue pulsat, vt medendis animarum languoribus, quarum nos ex alto omnipotes auctor curam habere voluit, ijs potissimum qui instantius fideles nunc vrgere cernuntur, salutifero olei & vini medicamine ad instar Samaritani in Euangelio sollicitam operam impendamus, ne nobis illud Hieremię obijciatur. Nunquid resina non est in Galaad, aut medicus non est ibi? Cum itaque diebus nostris (quod dolenter ferimus) zizaniz seminator antiquus humani generis hostis, nonnullos perniciosissimos errores a fidelibus semper explosos in agro Domini superseminare, & augere sit ausus, de natura præsertim animę rationalis, quod videlicet mortalis sit, aut vnica in cunctis hominibus: & nonnulli temere philosophantes, secundum saltem philosophiam, verum id esse assererent, contra huiusmodi pestem opportuna remedia adhibere cupientes, hoc sacro approbante Concilio, damnamus, & reprobamus omnes asserentes, animam intellectiuam mortalem esse, aut vnica in cunctis hominibus, & hæc in dubium vertentes, cum illa non solum vere per se, & essentialiter humani corporis forma existat, sicut in Canone ꝑ felicis recordationis Clementis Papę quinti prædecessoris nostri in generali Viennensi. Concilio edito continetur, verum & immortalis, & pro corporum quibus infunditur multitudine singulariter multiplicabilis, & multiplicata, & multiplicanda sit. Quod manifeste constat ex Euangelio, cum Dominus ait, Animam autem occidere non possunt. & alibi: Qui odit

Edita anno Domini 1513. Ex Concilio Lateranensi sub Leone x. Iess. 8.

Luc. 10.

Hier. 8. Matth. 13.

ꝑ cap. fidei in Clem. de sum. Tri. & fid. cath. Matth. 10. Ioan. 12.